

噠船。吡嘮船。叮啫船。共九隻。販運洋米棉花洋布黑鉛等貨。均於量明水誌之後。進口查驗。俱無夾帶鴉片。並有帶來買貨洋錢十五萬數千圓。據通事等稱。夷船攜帶洋錢。近年頗為罕見。尤可為不賣鴉片之明證。此外有咪咧啞國之嘅咧一船。啞咭咧所屬港腳之啞啞一船。於勾水之後。不敢進口。旋即駛向老萬山外。徑行回國。其為帶有鴉片。無從覓售。又恐覆驗水痕。不能卸載。是以潛逃回去。情事顯然。但既未流毒中華。即不便窮追肇釁。此新來貨船之情形也。其原泊黃埔夷船。滿載內地貨物出口者。計港腳則有啞咭呻等十五船。咪咧啞國則有噶噶云等八船。